

寶星陀羅尼經

第一

湯 百
一 四

47806



佛日增輝
 轉法輪常轉
 帝階綴昌
 山城州天安寺法金剛院置



寶星經序

釋法琳撰

涉

寶星經梵本三千餘偈如來初證覺道度目
連身子及降伏魔王護持國土說此經也自
為化東漸綿歷歲時三輪八歲之文四樹五
乘之旨顯神光於石室流梵響於清臺雖鞮
譯相尋尚多疑闕我大唐 皇帝迺聖迺神
允文允武乘機撫運拯溺救焚反上皇之風
行不言之信去泰去甚既揜頓於八紘無事
無為乃朝宗於萬國澣海天山之地盡入提
封龍庭鳳穴之鄉咸霑聲教仁踰解網治踵
結繩大德閑閑外齊八則小心翼翼內整四

儀臨赤縣而溢慈悲寄玄扈而敷弘誓每以
諸有非樂物我俱空眷言貞貞要無過釋典有
中天然竺國三藏法師波頗唐言光智誓傳法
化不憚艱危遠涉葱河來遊真丹以貞觀元
年景仄泊于京輦既登上席爰懋錦衣有詔
所司搜覈碩德兼閑三教備舉十科者一十
九人於大興善寺請波頗三藏相對翻譯沙
門慧乘等證義沙門玄暮等譯語沙門慧明
法琳等執筆承旨殷勤詳覆審名定義具意
成文起貞觀三年三月訖四年四月凡十卷
十三品用紙一百三十幅摠六萬三千八百
八十二言歸命一切佛菩薩

佛說寶星陀羅尼經卷第一

唐天竺波羅頗密多羅譯

降魔品第一

如是我聞一時婆伽婆住王舍城竹林迦蘭
陀池邊與大比丘衆一千人俱皆阿羅漢諸
漏已盡所作已辦捨諸重擔逮得已利盡諸

有結皆得正智心善解脫及大菩薩一萬人
俱其名曰持須彌頂童真真水智童真真地智童
真勝智童真真空智童真真明智童真真電智童真
文殊師利童真真降伏勝童真真水天童真真無垢
童真真弥勒菩薩摩訶薩等而爲上首一切皆得
羣提陀羅尼三摩提具足一切法無障礙智於

一切衆生其心平等過諸魔界善入一切如
來智境界具足大慈大悲善解方便智皆隨
佛住王舍大城竹林迦蘭陀池邊尔時王舍
大城有二外道聰慧明達過十八明處與五
百人俱一名優波底沙二名俱利多而為上
首共相謂言契同甘露尔時長老阿說示唐名
馬勝於日初分著衣持鉢入王舍大城乞食時
優波底沙見阿說示生希有心我未曾見如
此沙門威儀庠序更無有人如彼比丘我應
往問今此長老以誰為師依誰出家依誰求
法尔時優波底沙即往彼所到已問訊種種
語已却住一面白長老阿說示言以誰為師

依誰出家依誰求法尔時長老阿說示答優
波底沙言有釋種子勇猛精進能大苦行於
一切處最上自在已度生死無邊大海今以
大悲欲度衆生号名爲佛覺悟衆生乾竭苦
海無與等者我常歸依求無垢法優波底沙
言彼師爲汝說何等法以何教示時長老阿
說示答優波底沙曰善哉快哉諦聽諦聽當
爲汝說便說偈言

煩惱業因緣

世間如是轉

煩惱業不生

導師如是說

生老死定壞

彼解脫無上

如彼勇牛王

如來自悟說

尔時優波底沙聞此法已遠塵離垢法眼清

淨得須陀洹果而說偈言

我證解實法 永竭生死河

所謂如來說

難得甘露藏 衆生得息苦

智慧能斷除

諸法種種修 能作究竟道

行此究竟道

得無等涅槃

尔時優波底沙說此偈已白長老阿說示言

長老汝師如來阿羅訶三藐三佛陀今在何

處阿說示荅言長老我師如來今在王舍城

竹林迦蘭陀池邊與大比丘衆一千人俱本

是外道值佛出家優波底沙言我今辭善知

識及諸眷屬詣佛出家尔時優波底沙禮阿

說示足右繞三匝辭已而去往俱利多所時

俱利多見優波底沙從遠而來見已白優波
底沙言仁者諸根清淨顏色怡悅必得甘露
優波底沙言如是長老我於今者得甘露法
諦聽諦聽今為汝說我所得法今時俱利多
即從座起偏袒右肩右膝著地合掌恭敬便
說偈請

說此吉祥無憂道
分別諸陰大怨賊

此道疾度三界海
乘此道已不還有

余時優波底沙以所聞偈即為說之

煩惱業因緣

世間如是轉

煩惱業不生

導師如是說

生老死定壞

彼解脫無上

如彼勇牛王

如來自悟說

尔時俱利多聞此偈已心大歡喜重更讚歎
請說前偈

苦滅寂無垢 牟尼說此法 一切煩惱滅

諸見無知斷 穢惡有為空 無我不可信

重說無垢句 我聞得涅槃

尔時優波底沙即便重為說所聞偈

煩惱業因緣 世間如是轉 煩惱業不生

導師如是說 生老死定壞 彼解脫無上

如彼勇牛王 如來自悟說

尔時俱利多聞此偈已遠塵離垢法眼清淨

得須陀洹果復以偈讚

如此真行法 度流之疾船 此智息三苦

能度於世間

諸陰煩惱魔

知此能調伏

解脫離怨諍

乾竭於苦海

時俱利多言今佛世尊住在何所優波底沙
言長老我聞世尊在王舍大城竹林迦蘭陀
池邊與大比丘僧及菩薩衆俱我今定當與
汝俱往至世尊所求佛出家俱利多言如是
長老可語弟子往世尊所相隨出家時優波
底沙與俱利多往自衆所尔時惡魔於一念
頃聞中摩伽陀國有二外道優波底沙共俱
利多及諸眷屬聰明具足名稱廣遠是善文
夫欲於沙門瞿曇法中出家學道便作是念
即厲聲大叫而唱奇哉若此二人於彼沙門

瞿曇法中而出家者空我境界我應至彼二
丈夫所破其出家令著惡見尔時惡魔於一
念頃從自宮没作阿說示形相威儀便於中
道現二人前作如是說

如我先所說

試汝非決定

如汝意所行

宜速受欲樂

一切黑白業

因果悉皆無

無生老病死

亦無於後世

福非福果業

無有此因作

釋子為利說

汝莫信故去

尔時優波底沙俱利多聞此說已咸作是念

此惡魔來欲壞我等出家之事尔時優波底

沙願謂弟子作如是言汝等今者當憶世間

所有過患便說是偈

衆生為老逼

死苦之所纏

應當斷彼三

決定當出家

尔時俱利多即以偈頌答魔王曰

知無上善智

持法滅三苦

汝說不斷貪

我智終不動

如是堅固心

於餘人所無

我等出苦輪

正智所不惑

勿假師子像

而作野干聲

尔時見諦諸天住虛空中讚二丈夫言善哉

善哉汝二丈夫於一切衆生中最為上首此

道勝妙於一切世間最為第一此道息一切

苦此道入一切如來行處此道一切諸佛所

共稱揚所謂依佛出家是時惡魔心生憂苦

便沒不現。爾時優波底沙共俱利多自觀已。
衆喚諸弟子作如是言。汝等應知我等欲度
老死苦海。故依佛出家。汝等若不樂佛出家。
可於此住時五百弟子咸作是言。我等解法
皆依師學。二師決定大處出家。二師所依出家處。
我等隨師亦依彼衆出家學道。爾時優波底
沙及俱利多與五百徒衆欲往佛所。是時惡
魔知彼事已。於王舍城外化作大坑深百由
旬。令彼二人不得往詣佛世尊所。是時如來
以神通力令彼二人不見大坑直道而去。是時
惡魔於一人前復更化作高峻大山高千由旬。
峻險堅阻無有穿缺。於彼山中復更化作一

千師子威猛可畏是時世尊以神通力加彼
二人不見大山及彼師子又無威猛可畏之
聲直道而往詣世尊所及彼無量百千之衆
圍繞供養說法之處爾時世尊告諸比丘汝
等見彼二善丈夫爲衆上首與諸徒衆來至
我所汝等見不諸比丘答咸言我見佛言此
善丈夫及諸徒衆我邊出家一人於我一切
聲聞弟子之中智慧第一一人於我聲聞衆
中神通第一是時衆中有一比丘以偈讚曰
此二聰叡眷屬俱 利益上者佛已記
具智神通無所畏 故我承迎二丈夫
爾時彼比丘說此偈已即從座起與無量比

丘衆及出家優婆塞等迎彼二人善言問訊
時彼二人往到佛所到已頂禮佛足右繞三
帀住立佛前白佛言世尊我等今者求佛出
家受比丘戒修行梵行佛言善男子汝二人
名字何等優波底沙言底沙是父舍利是母
我今從母故名舍利弗父母今者聽我出家
俱利多言憍陳如是父目伽羅是母我今從
母故名目伽羅父母今者聽我出家佛言汝
等二人及諸眷屬可於我所出家具足修行
梵行作是語已時此二人成具足戒五百徒
衆未久之間亦同二師得具足戒爾時惡魔
即自化身作魔醯首羅像住立佛前說如是偈

世間利智能議論

彼等悉來頂禮我

瞿曇弟子并眷屬

我今為汝當廣說

尔時世尊以偈答曰

汝所說道趣惡道

我道能令動不動

何故傲慢耐無耻

我今退破汝魔事

尔時惡魔變摩醯首羅像即没不現復作梵

天王像住於佛前說如是偈

煩惱業有牙

智慧已斬除

何故強於此

方便勝智到彼岸

我是彼等大道導師

一切宜速歸依我

安隱寂滅善妙道

衆生行者沉苦海

世間苦海悉乾竭

復作矜高野干聲

不復於我能所作

勤苦利衆生

於世無自在

以無堪道器

牟尼病已除

宜速入涅槃

尔時世尊即以偈頌報魔王言

我觀諸衆生

過彼恒河量

以大慈悲力

教化令解脫

上中下衆生

令世間解脫

衆生解脫已

然後乃涅槃

何故以惡慧

詐諂請於我

尔時惡魔心生憂悔於佛前没還自天宮入

憂惱室默然而坐當於尔時一刹那頃魔諸

眷屬互相推問今我大王以何因緣入憂惱

室無人知者尔時魔王五百妓女種種莊嚴

各持華鬘末香塗香鼓天伎樂五百音聲第

一微妙歌舞戲樂甚可愛樂集魔王前尔時
魔王悲啼握手抑止悲聲如是作已暫時默
住諸妓女等復更歌舞作欣悅狀令魔歡喜
尔時魔王舉手大叫作如是語莫聲莫聲乃
至七返諸妓女等默然而住尔時魔宮有一妓
女名電可意聲至魔王所曲躬合掌說如是偈
汝今居自在 如見死相憂 爲是擔重擔
今乃生怖遽 誰有勝力怨 而憂不歡悅
是時魔王說偈報曰
我有大怨調伏心 善學幻術釋迦子
我無方便能壞彼 如是不久欲界空
時彼妓女便說偈曰

大家方便堪無量

三有長縛誰能解

是時魔王說偈報曰

檀那及苦行

悲願為縑索

持空無相弓

器仗中第一

能斷於生死

諸有盡無餘

以空為城林

弟子居山谷

精進常修定

盡諸有過患

方便神通力

慈悲為伴助

優波俱利等

牟尼悉降伏

於彼三界中

方便善調攝

欲空我境界

一切悉無餘

尔時五百妓女於魔王邊聞歎如來所有功德

即得菩薩三昧名離一切相電光三昧時彼

五百妓女即以天上諸莊嚴具雨天香華及

勤力壞彼必無餘

貪海沉沒誰能竭

天伎樂遙向佛所供養。世尊於竹林上猶如
雨下以得如來神力加故。令彼天女遙見世
尊及諸徒衆。見已歡喜。生清淨信。第一愛敬。
尔時衆中諸比丘等。見竹林間有如是相。便
生疑恠。白佛言。世尊。我等昔來未曾見聞於
竹林間如此瑞應。香華等雨。將非舍利弗目
犍連等現此相耶。何因緣故。覩斯希有。尔時
世尊告諸比丘。非此二人現神通相。此乃天
魔五百妓女。於彼魔宮。雨此香華及莊嚴具。
持供養我。不久來此。皆於我邊得受阿耨多
羅三藐三菩提記。時彼魔王五百妓女。遙聞
佛記。轉復歡喜。生清淨信。以淨信故。即得不

忘菩提心三昧。爾時魔王五百妓女著一肩
衣。右膝著地。於魔宮中向佛方面合掌恭敬
說如是偈。

一切世間盲無眼

惟佛一人名見者

能竭人天渴愛河

如來自度及一切

我等云何速成佛

人天恭敬能說者

女身可厭宜應捨

速近牟尼聞正法

如來最上神通智

開示我等為勝導

持彼無上覺支寶

無垢妙說如淨燈

勝力降魔無等倫

覺悟我等當受記

爾時魔宮五百妓女從座而起。至魔王所。異

口同音而說是偈。

如來勝德終不動
此身衆苦之所逼

云何於佛而生瞋

應捨此瞋決定信

更起醉慢而自塗
彼拔生死憍慢泥

衆生體性佛所知

我等應往慈悲所

尔時魔王念彼諸女生於如是增上惡意我
今應以五種之縛縛此五百諸妓女等令住
於此不往佛邊此五百女以得如來念力加
故而彼魔王所不能制尔時五百諸妓女等
於彼魔宮欲往佛所當發足時魔甚瞋恨便
作是念我今自以境界之力制此諸女即起
非時毗嵐大風徧滿虚空欲令諸女迷失諸
方還住我宮不見瞿曇以佛力故尚不能起

微細之風乃至不能動一毛端何況無量尔
時魔王轉增憂苦心生悔惱悲泣高聲喚其
諸子及其眷屬一切魔宮大聲徧滿而說偈言
愛子眷屬悉皆集

我心熱惱如毒樹
美言諂幻釋師子

壞我神通境界力

尔時魔王所有男女并諸眷屬聞此音聲悉
皆馳赴住魔王前彼眷屬中有一魔子名曰
勝智合掌住立說如是偈

何故種種憂惱生
何故異智似愚癡

此非劫燒非死相

此無大力能勝怨

尔時魔王說偈報曰

今此釋迦子坐彼林樹下

現前有大怨

云何汝說無

彼諂有勝力

令我心荒怖

我軍并我子

如灰入熾火

名稱勝丈夫

聰叡多才藝

現集及未集

今悉歸依彼

我怨以詐親

諂智力甚諍

高名勝智人

悉為法鈎牽

今此諸侍女

於我無悲心

見捨管所愛

盡往沙門所

指我以為證

今日歸依彼

一切三有地

諸幻悉令空

彼雖有大力

我破令作灰

我輩一切眾

應當勤所作

尔時魔王一切諸子并其内外所有眷屬悉

皆合掌咸作是言我等一切悉皆嚴駕以神

通力而自加被以此境界示彼令知退彼釋

子今碎如灰若當勝者我等善好若不勝者
當歸依彼我等往營大軍圍繞詣菩提樹面
覩釋子獨一無侶以神通力我等軍衆盡皆
退壞況復今時無量徒衆悉皆成就時魔報
言且去子輩若能煞彼沙門瞿曇當須迴還
若不能者亦須還宮而自守護是時魔王即
以左右十二萬衆復過此數乃至八萬四千
由旬所有兵衆悉皆徧滿復以迅疾神通之
力現大黑風吹大黑雲雨大炬火悉皆徧滿
一切四洲復以手擊須弥山王一切四洲悉
皆震動復出最惡可畏之聲須弥山王及諸
山王大地峯石一切驚動由此震擊小大池

河及大海水悉皆波浪一切諸龍大龍夜叉
大夜叉見是事已踴上虛空此諸魔衆住須
弥頂復擲大石等由旬量於中摩伽陀國如
大暴雨震擊驚動復雨刀杵搥鑕大石月鉞
曲撩短梨鐵把虎牙大棒及大月箭猶如雨
下尔時世尊即入碎魔軍場三昧於虛空中
所有兵仗及大炬火變成華雨所謂優鉢華
雨波頭摩華雨俱物頭華雨分陀利華雨曼
陀羅華雨摩訶曼陀羅華雨中摩伽陀國
復變可畏驚動之聲為彼種種微妙音聲所
謂佛聲法聲僧聲波羅蜜聲神通聲阿毗跋
致聲受職聲四魔退聲往菩提道場聲乃至

取俱聲不取俱聲復變此四洲一切大地所
有藥草叢林山石土地皆成七寶是時世界
無有風塵一切恬靜尔時世尊現其身相過
於梵世自在而轉從其身分一一諸相乃至
無見頂相出大光明徧照三千大千世界普
皆大明是時三千大千世界所有天龍夜叉
乾闥婆阿脩羅迦樓羅緊那羅摩睺羅伽薛
荔多毗舍闍鳩槃荼人非人等地獄畜生閻
羅世界如是一切悉見世尊及大光明是時
天龍夜叉人非人等各與若干百千眷屬地
及虛空來詣佛所散華供養到已右繞讚歎
禮拜是時地獄及諸畜生閻羅世界無量百

千阿闍毗俱肱那由他等各自憶念先種善
根稱南無佛。隨惡趣終已。生於天上。今時魔
王所有諸子二萬二千。并諸眷屬。見佛神變
如是相已。各於佛所得希有信。即共五百妓
女。禮世尊足。合掌恭敬。以偈讚歎。
妙色淨身。映智海。
名稱高遠。無不至。

金色光焰。類須弥。
衆生失道。無能見。
養護衆生。永不退。
積集智藏。富無量。
慈悲潤澤。隨機說。
生死曠野。難濟越。

我等無怙。歸依彼。
如來智日。能闡照。
親導我等。歸依彼。
解脫心性。如虛空。
一切成就。歸依彼。
如來解脫。能開示。

巧說因果能顯了

境界幻炎如水月

佛為醫王救世間

佛真法橋渡四流

世尊正道示世間

我等惡意向如來

所有諸惡能永斷

我等悉捨魔部黨

普請一切衆生類

佛能顯示我勝行

如來所說無異說

所散佛華成華蓋

住第一慈歸依彼

無智翳闇著諸欲

是故我等歸依彼

富有七財恒資給

大悲我親應供養

今悉懺悔第一覺

願佛受我最上依

共發無上菩提心

菩提大願至無餘

如我所行波羅蜜

幾法具足到菩提

示現無量諸刹土

我今頂禮兩足尊

願涅槃樂利世間

尔時一切魔諸眷屬并魔妓女各持天華遥
散佛上以佛世尊神力加故變成華蓋徧覆
十方無量俱胝那由他百千恒河沙諸佛刹
土復過此數變成華蓋徧覆十方現在諸佛
於虛空中隣蓋佛頂時彼魔王五百妓女并
諸眷屬一切悉見十方無量阿僧祇諸佛刹
土安隱說法及見彼佛眷屬圍繞衆生微妙
威光熾盛及見華蓋在上虛空隣覆佛頂彼
彼諸佛皆同一色形相示現悉皆同等惟彼
世尊在師子座種種眷屬種種佛刹功德莊
嚴所現不同又聞諸佛音聲徧滿句義說法

此魔眷屬以佛世尊念所加故得見如見中
通變化既見此已第一愛樂生清淨信禮佛
足已佛前聽法尔時魔王所有諸子并諸眷
屬十二頻婆羅退還魔宮白魔王言我等廣
作如此惡事乃至不能毀壞瞿曇一毛孔等
尔時復有二萬諸魔歸依如來佛前聽法尔
時魔王既失威德復大瞋怒發如是言我於
今日無異覺意乃至不能誅滅釋種所生之
子令彼滅壞云何此任便還魔宮入憂惱室
默然而坐

寶星陀羅尼經卷第一

琳音林鞮譯上音迺字拯溺也上下基字的上聲一拔

也揜字掩八紘一下惠萌及一方也一瀚海且上胡提封音上

啼一音低積也治踵上持值二音通呼下溢夷

之謂也盈滿也玄扈縣下音戶也憚徒旦及洎于上其器

懋莫候及搜敷下音舉也暮莫胡及羸提眼上初

又初鷹及訊訊問音信也庠序上音怡悅上余之

和樂逼彼力峻險上雖閭聰睿下羊歲魔醜

下呼又傲慢告上吾握手上於角抑止上音憶怖

懷下其預繭索上俱毗嵐此下音舍及迅疾私

開及搗鏡上竹向及錢擊也恐非此用舍作戈

有似犂也合謂具兵器鐵把下音加及鏡箭也鈔


大鑄也曲撩下力彫及鈎取物也薛荔切上音閉及

耳

此云餓
鬼趣也

短梨

下音
槍一音
也



猪飼順良壽附

